

06.01.2018, Turnernight Ufhusen

Es isch wider so wit gsi. S erscht Mou schminke mit dr neue Schminki und dr erscht Uftritt. Mir si i üses Jubiläum gstartet. D Lies u lg hie s Vergnüege gha am Presi-, Tampiapéro üsi Uftrittsyt z erwürflä. „Super mir si die erschtä“!

S Monsterkonzärt dusse het gfägt. Aschliessend hets für aui Guggene z Ässe gäh. Würschtli und Brot, isch super gsi, de het me ou no chönne spilä nam Ässe.

Mir si aui chli närvös gsi vorem erschtä Uftritt. Mir hei ir Turnhauä dr Block 1 gspüüt. Wobie bi de Hörnli clhi dr Wurm drinnä isch gsi. Mir hei üses Solo z früech zum Beschtä wouä gäh. „No nid!“ Het d Lies bääget, s Publikum het aber nüt gmerkt, Gott sei Dank.

Mir chöi aber z fridä si im Grosse u Ganze isch dä erscht Obe glunge gsi. Houptsach es het aune Spass gmacht.

När simer du no chli go feschtä und Tanze, döu meh döu weniger. Dä angere Guggene zuelose macht gäng Freud u gäng wes luschtig geit, isch d Zyt schnäu ume und dr Obe ou wider z Änd.

By Monika Brechbühler